



UKA 2018/193  
23. oktober 2018  
Bentiaraq Ottosen

**Uunga siunnersuut: Kommunit suliffeqarfiutaasa pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat.**

(Aningaasaqarnermut Nunanilu Avannarlerni suleqatigiinnermut Naalakkersuisoq)

Atassut-ip pingaartitaraa nunatsinni namminersortutut ingerlatsisuusut ineriartornermut malinnaatinneqarnissaat aamma kommunit akisussaaffimmik tuniorarneqarnissaat.

Nunatsinni pisortat akiitsorisaasa annertusiartuinnarnerat pillugu kommunit oqartussaaffimmik tunineqarnissaat pissusissamisoorpoq, taamaattumik kommunalbestyrelse pisinnaatinneqarnissaanik oqariartorneq Atassummiit taperserparput.

Kommunit oqartussaaffimmik tuniniarneqarnerat Atassummiit nuannaarutigaarput, tusarniaasimanerillu pillugit kommunit suliffeqarfiutaasa annertunerusumik ineriartortinneqarnissaat anguniarneqarnera isumaqataaffigalutigu.

Sanaartortitseriaaseq pillugu kommunit suliffeqarfiutaasa annertuumik sunniuteqalernissaat anguniarneqarnera maluginiarparput, Atassummiit isumaqarpugut suliffeqarfinni malinnaatitsinerunissaq anguniarlugu suleriuseqartoqartoq. Tamanna tapersersorlugu suliap naamassinissaa qilanaaraarput.

Atassummiit anguniartuarparput qitiusumik aqutsineq sineriammut agguarneqartariaqartoq, uanili siunnersuummi tapersernangaartumik sineriammut agguaasiniarnitsinnut ilapittuutaavoq.

Taamatut oqaaseqareerluta, siunnersuut ataatsimiisitaliamut susassaqtumut Atassummiit innersuupparput.